

Utoqqaat pillugit Siunnersuisooqatigiit ataatsimiinnerannit imaqarniliaq

*Sisamangorneq ulloq 29. septembari 2022, nal 15:00.
Sumiiffik: Imaneq 34, 2 sal*

Ataatsimiinnermi peqataasut:

Marianne Jensen, Siulittaasq
Mina Lorenzen, Siulittaasup tullia
Kirsten Holm, Ilaasortaq
Jakob Thorsen, Ilaasortaq
Arnanguaq Heilmann Christiansen, Utoqqarnik Sullissiveqarfimmi fagcheffi

Ataatsimiinnermi peqataangitsut:

Daniel Blytmann, Ilaasortaq

Imaqarniliaq:

1. Oqaluuserisassat akuerineqarnerat

Oqaluuserisassat Akuerineqarput.

2. Ilisimatitseqatigiinneq

2.1 Siulittaasup nalunaarutai

Utoqqaat pillugit Siunnersuisooqatigiit siulittaasuata ilisimatitsissutigivaa borgmesterip Utoqqaat pillugit Siunnersuisooqatigiit qinnuigigaa ukiup tulliani Kalaallit Nunaanni Inuiannik katersortitsinissamut tunngatillugu siunnersuuteqarnissaa pillugu. Siulittaasq piareersaataasumik ataatsimiinnermi peqataavoq, ullormut oqaluuserisassanut ilanngussatut atortut ilanngunneqarlutik siusinnerusukkut nassiunneqarnikuupput. Tamanna immikkut immikkoortulerlugu sukumiinerusumik eqqortorneqassaaq.

Utoqqaat pillugit Siunnersuisooqatigiit Kommuneqarfik Sermersuup ataani Facebookeqarnissaat pillugu suliaq ingerlasoq siulittaasumit ilisimatitsissutigineqarpoq. Immikkoortumi Taasariaqatut allat ataani tassunga tunngasunik eqqartuisitsilaarusuppoq.

2.2 Ingerlatsivimmit

Fagcheffi ilisimatitsivoq Ippiarsuk massakkut ulluinnarni aqutsisoqarani ingerlasoq, aamma nammineq utaqqiissaagallartumik piffissap affaani aqutsisutut atuukkallarnini oqaatigaa. Atorfik inuttassarsiuunneqarpoq.

Utoqqarnut tunngasuni tamani sulisussaaleqisoqarnera aamma utoqqarnik isumassuinermi sulisussat ilinniarsimasut pissarsiariuminaannerat pillugu fagcheffi ilisimatitsivoq.

Facebookimi utoqqaat isumagineqarneranni nerisassat pillugit suliaq ingerlasimasoq fagchefip ilisimatitsisutigivaa. Ingerlatsiviup suliaq eqqumaffigivaa pitsannguutissanillu suliaqartuarpoq.

Oktobarimi Utoqqaat Ulluat pissasoq fagchefimit ilisimatitsissutigineqarpoq. Ullormik nalliussinermit atatillugu kommune utoqqarnik nereqatigiissitsinissamik aaqqissuussissaaq, aamma ulloq nalliussillugu assigiinngitsunik, utoqqarnik sullissivinni illoqarfinnilu assigiinngitsuni, sammisassaqaartitsisoqassaaq..

2.3 Allat

Siulittaasup oqaatigivaa, nammineq utoqqaat illuini nerisaqarnermut aaqqissuussineq pillugu suliaq maluginiarsimallugu, ataatsimullu isigalugu utoqqarnik aamma isumassuinermi sulisussat amigaatigineqarnerat maluginiarsimallugu. Tassunga atatillugu fagchefip oqaatigivaa, Ingerlatsivimmit sulisut tapersorsorniarneqartut aamma sulianut inuttullu ineriartornermut tunngasunik suliaqartoqartoq.

3. Nuummi utoqqaat illuat sulisussaaleqivoq

Kirsten allaatigisamik saqqummiussivoq. Taanna oqaluserisassani ilanngussatut agguanneqarnikuuvoq. Utoqqaat illuini piukkunnartunik sulisussaaleqisoqartoq oqaatigineqarpoq, aamma utoqqarnik isumassuinermit tunngatillugu sulisut amerlassusilerneqarnerat eqqortuunngilaq. Tassunga tunngatillugu oqaatigineqarpoq, utoqqarnik isumassuinissap isumagineqarnissaa kommunip akisussaaffigigaa.

Siunnersuisooqatigiinni ilaasortanit arlalinnit peqqinnissaqarfiup utoqqarnillu sullissinerup akornanni ataqatigiissoqannginnera pillugu erseqqissunik assersuusiorneqarpoq, ilaatigut susassaqaarfiit assigiinngitsut utoqqaap oqilisaassiffigineqareernerata kingorna angerlarnerni nakorsaatissaanik pinngitsoorsimanera akisussaaffigineqarumangitsoq tamatumalu kinguneranik sapaatip akunnerata naanerani nakorsaatit pisariaqartitani pinngitsoorsimagai. Tamanna pineqartup sapaatip akunnerata naanerata kingorna unitseqqinneqarneranut pissutaanersoq ilisimaneqanngilaq. Assersuutigineqartoq kingulleq pillugu sukumiinerusumik fagcheffi misissuiniarpoq.

Fagchefimit oqaatigineqarpoq taartaasartunik atuisarneq ajornartorsiutaasoq, taakku aalajaatsuunngimmata isumassuinernullu malinnaasinneqarsinnaanngimmata. Sulisut



aalajangersimasut aalajaatsullu kommunimit piginnarneqarnissaat salliunneqarput, pikkorissaanernik piginnaasaannik annertusaasarnikkut.

Fagchefip ilanngullugu oqaatigivaa, suliffeqarfinni malittarisassat soorunami malinneqartartut, sulisullu suliffimmini toqqissisimasussaasut aamma utoqqaat toqqissisimasussaapput. Fagchefimit innuttaasut nuanniitsunik naammattuuigaangamik saaffiginnissuteqatalernerat pitsaasutut isigineqarpoq, isumaqarlunilu taamatut saaffiginnissutigineqartartut pitsaasumik saaffiginnissutigineqartutut sulisunit tiguneqartarnissaat taakkunannga piareersimaffigineqartarnissaa pingaartuusoq.

Ilaasortamit oqaatigineqarpoq inuit ikorfartortit utoqqaat toqqissisimasumik atugassaqartinneqarnissaannut peqataasinnaasut.

Siulittaasumit oqaatigineqarpoq, utoqqaat illuini aqutsisut toqqissisimasumik misiginissamut pingaaruteqarluinnartuusut. Oqaatigineqarpoq Ilulissani misilittakkat pitsaasuusut.

Oqaatigineqarpoq, Ippiarsummi nerisaqarneq eqqarsaatigalugu atsiornernik katersisoqarsimasoq.

Utoqqaat pillugit Siunnersuisooqatigiinnit oqaaseqaatigineqartut fagchefip tusaatissatut tiguai atsiornernillu katersisimaneq pillugu suliaq sukumiinerusumik misissuiffigiumallugu.

Oqaatigineqarpoq oqallinnerup kingornatigut isumassuinerup qanoq pitsaanerulersinneqarsinnaaneranut isumassarsisoqartoq ajornartorsiutillu paasiuminarnerulerlutik. Ajornartorsiutit nalinginnaasut, Utoqqaat pillugit Siunnersuisooqatigiinnit ilisimaneqareersut, pineqarput. Siunnersuisooqatigiit oqallinnerit pillugit qujavoq ineriartornerullu malinnaavigineqarnissaa qilanaarineqarpoq. Tamatuma saniatigut siunnersuisooqatigiinnit neriuutigineqarput utoqqaat illuini suleriaatsit pitsaanerulissasut.

4. Innuttaasunik ataatsimiititsineq

Tassani Utoqqaat pillugit Siunnersuisooqatigiit Kommuneqarfik Sermersuumi 2023-mi innuttaasunik ataatsimiititsinissami Utoqqaat pillugit Siunnersuisooqatigiit peqataanissaminnut soqutiginninersut eqqartorneqassaaq, tamatumalu kingornatigut Innuttaasunik ataatsimiititsinerup qaqugu ingerlanneqarnissaannut siunnersuuteqassapput.

4.1 Utoqqaat pillugit Siunnersuisooqatigiit peqataarusuppa?

Siulittaasoq nammineq isumaqarpoq, peqataaneq pingaaruteqartuusoq, Utoqqaat pillugit Siunnersuisooqatigiit taamaalillutik ataqqinartumik utoqqalinissap qanoq takorloorneqarneranik saqqummiinissaminnut periarfissinneqassammata. Innuttaasunik ataatsimiititsinissamut peqataanissaq ilaasortanit tapersersorneqarpoq, tamannalu inuiaqatigiit paasissutissinneqarnissaannut periarfissatut isigineqarpoq.



Siulittaasumit Utoqqaat pillugit Siunnersuisooqatigiit innuttaasunik ataatsimiititsinissamut peqataanissaq soqutigineqartoq nalunaarutigineqarpoq.

4.2 Ingerlanneqarnissaanut piffissatut siunnersuut

Siunnersuutigineqarpoq, Innuttaasunik ataatsimiititsineq inuiattut ullorsiornitta ulloq 21. juunip missaani pissasoq.

Siulittaasumit ilanngunneqarpoq, aaqqissuussisussat taakkuusut qaqugu pinissaanik naggataatigut aalajangiisussat. Aalajangerneqarpoq siulittaasup suliaq ingerlateqqissagaa, tassalu Utoqqaat pillugit Siunnersuisooqatigiit peqataanissaminnut soqutinnittut taassumalu ingerlanneqarnissaa 21. juuni missaani siunnersuutigineqartoq, taamaalilluni Utoqqaat pillugit Siunnersuisooqatigiinnit sammisassat kommunip 21. juunip tungaanut aaqqissuuttagaanut, fagchef malillugu, ataqatigiissarneqarsinnaaniassammata.

Suli allamik oqaaseqaateqartoqarpoq, tassalu Utoqqaat peqatigiiffianniit peqataasinnaasoqassaaq, assersuutigalugu Paamiuni.

4.3 Imassaanut siunnersuutit

Siunnersuutigineqarput Utoqqaat pillugit Politikki pingaartinneqassasoq, paaqqutarinninneq pitsaasoq, atugassat pitsaasut aamma inuiaqatigiinni utoqqarnik ataqqinninneq. Ilanngullugu oqaatigineqarpoq eqqartorneqassasoq utoqqaat qanoq kalaaliminernik pisarnissaat qulakkeerneqarsinnaanersoq.

Siulittaasup oqaatigivaa, aamma pingaartoq uummaarissunik aalassarissunillu utoqqarpassuaqarnera erseqqissassallugu. Siunnersuutigivaa, sammisassat ilungersunarnerusuniit qiimmaallannarnerusunut nuannersunullu sammitinneqarsinnaasut.

Siunnersuutigineqarpoq innuttaasut utoqqaat timimik sungiusartarnissaannut kajumissaarneqartassasut, aalaneq pitsaasuummat peqqinnarlunilu.

Aalajangerneqarpoq Utoqqaat pillugit Siunnersuisooqatigiit ataatsimiinnissap tullia nallertinnagu imarisassai erseqqinnerusut pillugit siunnersuuteqassasut.

5. Utoqqaat pillugit Siunnersuisooqatigiit workshoppeqarnerannit immikkoortut 3-t eqqartorneqarneri

Utoqqaat pillugit Siunnersuisooqatigiit ataatsimiinnermi kingullermi aalajangerpoq, Utoqqaat pillugit Siunnersuisooqatigiit anguniagassat pingaarnersiorneqarnissaat pillugit workshoppeqartitsinermi angusat itisilernerqassasut kommunalbestyrelsimut saqqummiunneqarnissaat siunertaralugu. Siulittaasoq aamma Kiistat peqatigiillutik eqqartugassatut siunnersuusiorput Utoqqaat pillugit Siunnersuisooqatigiinnit akuerineqartussamik.



Inaarutaasumik allakkiaq akuerineqarpoq annikitsumik allannguuteqartillugu. Siulittaasoq peqquneqarpoq allakkiap iluarsaannissaa taassumalu allattoqarfimmut kalaallisut qallunaatullu ingerlateqqinneqarnissaa pillugu.

Utoqqaat pillugit Siunnersuisooqatigiit kissaatigivaat Ingerlatsiviup misissussagaa Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamik oktobarimi novembarimiluunniit 2022-mi ataatsimeeqateqarnissaa misissussagaa, tassani ilaatigut Utoqqaat pillugit Siunnersuisooqatigiit anguniagaat saqqummiunneqarsinnaapput.

Jakob oqarpoq, siorna assingusumik misissuisoqarsimasoq. Siulittaasup oqaatigivaa, inuiaqatigiit peqqissusiat pillugu ilisimatusarfimmi ilisimatusartoq taannaasimagunartoq misissuineramik ingerlatsisimasoq, neriutugalugulu taanna malitseqartitsinissamut siunnersuutigineqartumut aamma peqataasinnaassasoq.

6. Taasariaqartut allat

Utoqqaat pillugit Siunnersuisooqatigiit kissaatigivaat utoqqarnut isummersuiffimmik peqalernissaa imaluunniit utoqqaat isumassarsiaminnik saqqummiivigisinnaasaannik peqarnissaq. Facebook aqqutigalugu qupperneqalernissamik siunnersuut sukumiisumik inaarsarneqanngilaq, Utoqqaat pillugit Siunnersuisooqatigiit periarfissat allat misissoqqaarumammagit.

Utoqqaat pillugit Siunnersuisooqatigiit kissaatigivaat, Ingerlatsiviup Suliffeqarnermut Isumaginninnermullu Ataatsimiititap oktobarimi novembarimilluunniit 2022-mi sisamangornikkut ataatsimeeqatigineqarsinnaanera misissussagaa.

Apeqqutigineqarsimavoq Paamiuni utoqqaat illuini sulisut aamma pikkorissartinneqassanersut. Fagchefip suliap sulissutigineqarnera uppernarsarpaa.

